

notara Omanović Dževada, notara iz Cazina, kojem je služba notara prestala zbog navršavanja 70. godina starosti.

Mandat vršioca dužnosti notara traje od 7. 7. 2025. godine do imenovanja novog notara, a najduže 6 (šest) mjeseci.

II

Vršilac dužnosti notara preuzima sve spise, knjige i drugu dokumentaciju na čije je mjesto postavljen, do imenovanja novog notara, a po imenovanju novog notara između vršitelja dužnosti notara i novog notara sačinije se zapisnik o preuzimanju spisa, knjiga i druge dokumentacije notara Omanović Dževada.

Vršilac dužnosti notara ima pravo i dužnost obavljati sve radnje notara, koje je započeo notar, kojem je prestala služba notara i nije ovlašten preduzimati nove notarske poslove.

III

Vršilac dužnosti notara ima pravo da potražuje troškove ukoliko oni dospiju nakon preduzimanja poslova, a ukoliko je stranka platila notaru predujam za poduzimanje određene službene radnje, ima pravo taj predujam uračunati prilikom obračuna.

IV

Vršenje dužnosti notara obavlja se na trošak i za račun Notarske komore F BiH, kojoj vršilac dužnosti notara podnosi obračun svoje djelatnosti i od nje dobija primjerenu naknadu za obavljanje poslova notara.

V

U obavljanju poslova vršioca dužnosti notara, vršilac dužnosti notara koristi svoj vlastiti pečat.

Vršitelj dužnosti notara koristi, ukoliko je neophodno, pečat notara čija je služba prestala, uz dodatak vršitelj dužnosti.

VI

Ovo Rješenje stupa na snagu danom donošenja i objavit će se u „Službenim novinama Federacije Bosne i Hercegovine“, „Službenom glasniku Unsko-sanskog kantona“ i oglasnoj tabli Ministarstva pravosuđa i uprave Unsko-sanskog kantona.

947.

Na osnovu člana 96. Zakona o osnovnom odgoju i obrazovanju („Službeni glasnik Unsko-sanskog kantona”, broj: 19/23 i 20/24), ministar Ministarstva obrazovanja, nauke, kulture i sporta Unsko-sanskog kantona
d o n o s i

P R A V I L N I K

o izboru učenika generacije u osnovnoj školi

POGLAVLJE I. OSNOVNE ODREDBE

Član 1.

(1) Ovim Pravilnikom utvrđuju se kriteriji / elementi koji se vrednuju za izbor učenika generacije u osnovnoj školi, način bodovanja, imenovanje komisije za izbor učenika generacije, postupak izbora učenika generacije, žalbeni postupak i proglašenje učenika generacije.

(2) Sastavni dio ovog Pravilnika su Prilog 1. i Prilog 2.

Član 2.

Terminološko korištenje muškog ili ženskog roda u ovom Pravilniku podrazumijeva uključivanje oba roda.

POGLAVLJE II. UČENIK GENERACIJE

Član 3.

Kriteriji/elementi koji se vrednuju pri rangiranju kandidata za učenika generacije su:

- a) da je tokom školovanja imao odličan uspjeh u svim razredima,
- b) da je tokom školovanja imao primjereno vladanje,
- c) sudjelovanje i uspjeh na natjecanjima u znanju iz pojedinih nastavnih predmeta, na revijama, smotrama, izložbama i sportskim takmičenjima,
- d) sudjelovanje te postignuti rezultati u doprinosi u radu vannastavnih aktivnosti, kreativno-istraživački rad i doprinos u radu sekcija škole,
- e) vanškolske aktivnosti i volonterski i/ili humanitarni rad,
- f) rukovođenje odjeljenskom zajednicom i rukovođenje vijećem učenika.

- g) pohađanje paralelne osnovne/srednje (muzičke, baletske) škole.

Prilikom bodovanja kandidata za učenika generacije u obzir se uzima učešće u radu sekcija predviđenih godišnjim programom rada u školi, takmičenja u znanju i stvaralaštvu, osvojene nagrade na raznim konkursima likovnog, muzičkog, jezičkog i tehničkog stvaralaštva te raznim sportskim aktivnostima provedenim u organizaciji matične škole, JU Pedagoški zavod Unsko-sanskog kantona, Federalnog ministarstva obrazovanja i nauke te europskih i svjetskih asocijacija koje se bave pitanjem odgoja i obrazovanja.

Član 4.

(1) Pravo da bude izabran za učenika generacije ima svaki učenik završnog razreda koji ispunjava uvjete iz člana 3. ovog Pravilnika, dostavljanjem dokumentacije kojom dokazuje ostvareni plasman na takmičenjima komisiji škole za izbor učenika generacije.

(2) Nastavničko vijeće utvrđuje krajnji rok za dostavljanje dokumentacije o čemu se obavijest stavlja na oglasnu ploču škole, a najkasnije petnaest dana prije krajnjeg roka za dostavu.

(3) Uz dostavljanje dokumentacije kandidat za učenika generacije treba napisati biografiju u kojoj će obrazložiti elemente vrednovanja osim uspjeha.

Član 5.

(1) Aktivnosti iz člana 3. ovog Pravilnika vrednuju se na sljedeći način:

- a) Suma prosječnih ocjena (zaokruženih na dvije decimale) na kraju svake

školske godine, odnosno nastavne godine od II do IX razreda (prosječna ocjena x (puta) godine školovanja);

- b) Ukoliko je kandidat za učenika generacije neki od razreda završio u inostranstvu i nema izvedenu ocjenu općeg uspjeha ili nema pojedinačnih ocjena za nastavne predmete u nekom od tih razreda, onda se umjesto prosječne ocjene uspjeha u tim razredima uzima prosječna ocjena izvedena za sve razrede u kojima su definisane te ocjene, odnosno u kojima je moguće izvesti prosječnu ocjenu općeg uspjeha zaokruženu na dvije decimale;
- c) Za svaku godinu rada u sekcijama slobodnih aktivnosti, na osnovu vođenja evidencije, učenik po sekciji u svakom razredu od II do IX razreda dobija dva boda za maksimalno dvije sekcije po razredu;
- d) Za učešće i osvojeno mjesto na školskom, općinskom, kantonalnom, federalnom, državnom takmičenju, olimpijadi, evropskom i svjetskom takmičenju u znanju iz pojedinih predmeta, sporta (u organizaciji aktiva nastavnika tjelesnog i zdravstvenog odgoja), odnosno za osvojeno mjesto na konkursima likovnog, jezičkog, dramskog, recitatorskog, literarnog i tehničkog stvaralaštva-revije, izložbe, smotre i slične manifestacije, učenik može dobiti sljedeći broj bodova:

	NIVO TAKMIČENJA	Broj bodova			
		I mjesto	II mjesto	III mjesto	Učešće
1.	Školsko takmičenje	3	2	1	0,5
2.	Općinsko takmičenje	6	5	4	1
3.	Kantonalno takmičenje	12	10	8	2
4.	Federalno takmičenje	18	15	12	3
5.	Državno takmičenje	24	20	16	4
6.	Međunarodna takmičenja	30	25	20	5

(2) Ukoliko se održava samo ekipno takmičenje (prvo, drugo i treće mjesto), učeniku koji je bio član ekipe pripada 30% bodova od bodova predviđenih za pojedinačni plasman.

(3) Bodovi iz stava (1) ovog člana se mogu dobiti samo po jednom osnovu ili za plasman ili za učešće.

(4) Ako se na ekipnom takmičenju dodjeljuje diploma i ekipi i pojedincu, tada se kandidatu za učenika generacije boduje diploma koja nosi više bodova.

(5) Kod tehničkog stvaralaštva se boduje jedno priznanje i to ono koje nosi više bodova na smotri (na nivou jedne školske godine).

(6) Kod sportskih takmičenja boduju se najviše dva takmičenja (na nivou jedne školske godine) koje organizuje aktiv nastavnika tjelesnog i zdravstvenog odgoja.

(7) Učenici koji su završili paralelnu (osnovna muzička i osnovna baletna) školu dodjeljuje se 15 bodova.

(8) Učeniku koji je rukovodio odjeljenjskom zajednicom i/ili rukovodio vijećem učenika, pripada po 0,50 bodova.

(9) Za učešće u vanškolskim aktivnostima i volonterskom i/ili humanitarnom radu učeniku pripada ukupno 2 boda.

Član 6.

(1) Praćenje, prikupljanje prijedloga i sumiranje rezultata u školi vrši komisija za izbor učenika generacije.

Komisiju iz prethodnog stava imenuje Nastavničko vijeće škole u čijem sastavu su:

- a) 2 nastavnika (jedan iz razredne nastave i jedan iz predmetne nastave),
- b) pedagog/psiholog, pedagog, psiholog - koji je ujedno i predsjednik komisije,
- c) 1 predstavnik vijeća roditelja-škole,
- d) 1 predstavnik vijeća učenika iz predmetne nastave.

(2) Poslovnik o radu komisije donosi nastavničko vijeće škole.

(3) Za člana komisije ne mogu biti birani; odjeljenjske starješine završnih razreda, kao ni učitelji koji su vodili generaciju završnog razreda te roditelji čije je dijete kandidat za učenika generacije.

(4) Mandat komisije za izbor učenika generacije je jedna školska godina.

Član 7.

(1) Na početku školske godine razrednici i pedagog škole upoznaju kandidate za učenika generacije s načinom izbora učenika generacije.

(2) Članovi komisije boduju kandidate za učenika generacije u skladu sa odredbama člana 3. i člana 5. ovog Pravilnika, neposrednim uvidom u pedagošku dokumentaciju i dokumentaciju (diplome/uvjerenja i dr.) koju je dostavio kandidat za učenika generacije.

(3) Ukoliko dva ili više kandidata za učenika generacije imaju jednak broj bodova, prednost ima učenik koji ima veći broj petica u devetom razredu.

(4) Ukoliko i po osnovu iz stava (3) ovog člana dva ili više kandidata za učenika generacije

imaju jednak broj bodova, prednost se daje onom učeniku koji ima više bodova u rukovođenju odjeljenjskom zajednicom ili rukovođenju vijećem učenika.

Član 8.

(1) Komisija o svom radu vodi zapisnik. Sastavni dio zapisnika su i bodovne liste svih članova komisije za svakog učenika ponaosob.

(2) Preliminarne rang-liste se ističu na oglasnoj tabli škole. Razrednik učenika koji se nalazi na preliminarnoj rang-listi u obavezi je pismeno obavijestiti učenika i roditelja/staratelja o istoj odmah po isticanju preliminarne rang-liste na oglasnoj ploči.

(3) Na preliminarnu rang-listu može se izjaviti prigovor Komisiji koji podnosi učenik, odnosno zakonski staratelj/roditelj u roku od 48 sati od objave rang-liste na oglasnoj ploči i zaprimljene pismene obavijesti.

(4) Komisija je obavezna dostaviti prigovor iz stava (3) ovog člana, Nastavničkom vijeću sa svom potrebnom dokumentacijom na razmatranje i odlučivanje.

(5) Nastavničko vijeće škole razmatra prijedlog komisije i donosi odluku o izboru učenika generacije škole.

(6) Učenik generacije dobija posebnu diplomu.

Član 9.

(1) Žalba na odluku nastavničkog vijeća podnosi se školskom odboru škole u roku od tri dana nakon proglašenja učenika generacije.

(2) Odluka školskog odbora je konačna.

Član 10.

Rok za proglašenje učenika generacije je 10. juni tekuće godine.

Škola je dužna da do 15. juna dostavi Odluku (Prilog 2.) o proglašenju učenika generacije, životopis i fotografiju učenika generacije JU Pedagoškom zavodu Unsko-sanskog kantona i nadležnom Ministarstvu.

POGLAVLJE III. PRELAZNE 1 ZAVRŠNE ODREDBE

Član 11.

Ovaj Pravilnik stupa na snagu danom donošenja i objavit će se u „Službenom glasniku Unsko-sanskog kantona“.

[illegible]

3. Rukovođenje odjeljenskom zajednicom

Razred	Školska godina	Bodovi 0,5/po godini
I		
II		
III		
IV		
V		
VI		
VII		
VIII		
IX		
	Ukupno:	

4. Rukovođenje vijećem učenika škole: _____ bodova

5. Učešće u vanškolskim aktivnostima i Volontiranje/humanitarni rad
_____ bodova

6. Ukupan broj ostvarenih bodova iznosi (1 +2+3+4+5): _____

Nakon što je razmatrana dostavljena dokumentacija svakog kandidata i ista bodovana komisija je sačinila sljedeću rang-listu kandidata za Učenika generacije školske _____ godine kako slijedi:

- 1.
- 2.
- 3.

Komisija za izbor Učenika generacije daje na prijedlog Nastavničkog vijeću bodovnu listu i predlaže da se za Učenika generacije školske _____ godine proglasi _____ učenik _____ razreda.

Komisija:

1. _____
2. _____
3. _____
4. _____
5. _____

Datum: _____ godine

Prilog 2.

Na osnovu člana 96. Zakona o osnovnom odgoju i obrazovanju („Službeni glasnik USK”, broj: 19/23 i 20/24) i člana 8. Pravilnika o izboru učenika generacije u osnovnoj školi, Nastavničko vijeće JU OŠ _____ na sjednici održanoj _____ godine d o n o s i

O D L U K U

o izboru učenika generacije

I

Za školsku _____ godinu „**Učenikom generacije**” proglašava se
učenik/ca _____.

II

Izabranom „**Učeniku generacije**” dodjeljuje se posebna diploma.

III

Odluka stupa na snagu danom donošenja i objavit će se na oglasnoj tabli škole.

Broj: ____/____.

Datum: _____

Direktor škole:
